

**Job Search #1-**

# **Kutta Angang**

**Masouan**

**Weweiti Usun Ewe Application  
Weweiti Usun Ufom Kewe  
Sasingin Uf Mi Och Ngeni Kuttan Angang.  
Ia Ka Tongeni Kutt Angang Me Ia**



**FUTURES THROUGH TRAINING**

---

**UTAH FARMWORKER PROGRAM**

---



# Kutta Angang - Weweiti Usun Ewe Application



Ika ka kutta angang ekkewe aramas repwe finata ika ra sanuk seni ewe application kopwe ngenir. Iwe ika ka angangngau ne fori ewe taropwe epwe fakkun weires pwe epwe wor om angang. Kopwe chechemeni ekkei mettoch ika kopwe fori om application:

1. Kopwe fini efoch chok pen kopwe aea won ekkewe taropwe meinisin. Epwe chon ika arau.
2. Kopwe amasoua ekkewe kapas eis meinisin. Ika ra eis ia ka fen angang me ia kopwe makkei meinisin. Ika a wor ekkoch kapas eis ra mochen kopwe chok ponuwani ewer ika apw kopwe penueni meinisin. Ika a wor eu kapas eis kese tongeni penueni kopwe chok makkei N/A a wewen ena kapas eis ese pwan men ngonuk. Usun ika en emon mwan nge ra eis usun emon fefin kopwe mak N/A pun en emon mwan na kapas eis ese pung. Nge ika kese mak N/A are a wor eu kapas eis kese penueni repwe ekieki pwe kese tongeni awesano om angang.

3. Ika ka fori ewe taropwe nge a mwan kopwe poputa sefan kesap chok sopweno. Ika kese pop sefan repwe ekieki pwe ka chipwang iwe resapw sanuk pun ka chipwang.

4. Kopwe pwan uwei itan me nenian unumon aramas ra fakkun sanuk are tongek nge esapw chon om famili pwe epwe wor om reference. Napengeni ekkewe taropwe kopwe fori epwe wor eu neni ka tongeni makk ekkoch reference iwe a fakkun och ika ka fen monata. Pwan fan chommong resapw mochen kopwe makkei om famili. Ika ka makkei chon om family ekkewe aramas repwe ekieki pwe kese tongeni aneasochisi ekkewe annuk are kese tongeni fori met ra era. Kesapw pwan mak N/A pun napengeni ekkewe kompani ir mi chok mochen fos ngeni om kewe reference. Mi pwan auchea pwe kopwe chechemeni ne finata emon a fakkun sanuk pun met ra apasa epwe anisuk pwe repwe finuketa.

5. Kopwe pwan kapachanong om resume ika a wor om.

6. Ika ka ngenir noum kewe application kopwe ufouf ekkewe uf mi och mi nimenimoch. Ika ka fos ngeni ekkewe aramas kopwe fakkun pwapwa kopwe pwan emenimen. Kopwe pwan kapaseis ngenir inet repwe kokoruk are inet kopwe interview. Kopwe pwan apasa kinisou fan chommong. Ineitan fansoun ka fos ngenir ka mochen repwe chechemenuk pwe repwe finiuketa, ika ekieki usum nupwen ra nenengeni ekkewe application me kókó ren interview.

**Kosapw uwei pwan emon an epwe fituk ika kopwe no kutta angang.**

## Kutta Angang - Weweiti Usun Ufom Otun Ka Interview



Aramas repwe apunguk seni nikinikum. Ika ka nikinikingau repwe ekieki pwe kese sinei angang. Nge ika ufom a nimenimoch o nikinikum a fakkun och repwe fen sanuk me ekieki pwe en mi tufichen angang.

Iwe kopwe chechemini ekkei mettoch ika ka fori om application ika feino interview.

**1.** Kopwe fakkun nikinikoch iteitan fansoun ka kutta angang pun repwe apunguk seni om akkom tungor om application feino ngeni fansoun ka interview. Wewen pwe fansoun en mi nom non ekkewe kompani kopwe nikinikin emon ir repwe mochen fiti ne angang. Ekkewe mwan repwe aea eche nektai ekkewe fefin repwe aea eche skato iteitan fansoun.

**2.** Inisum a pwan auchea usun chok ufom. Ese nifinifin ika ufom mi fakkun nimenimoch mi pwan mowatte ika inisum a nimengau, mokurom a fitikoko are ka ekkis pongau resapw pwan ekiekuk. Iwe ika kopwe interview kopwe fen akkom tutu me fori mokurom, razor me aea ewe kepit pwe kopwe nimenimoch me fakkun pokus, mwen kopwe no kutta angang.

**3.** Kopwe pwan aea ekkewe uf ren ewe angang ka mochen. Kesapw aea ufan om angang usun

ika en emon chon atake nge ka mochen angang ren ekkewe computer kosapw interview non om ufan atake nge kopwe fen aea ekkewe uf mi och. Kopwe achocho pwe kopwe nikinikin ekkewe chon angang ka kuna won ewe tv.

**4.** Kopwe pwan nenong non eche kinas me pwisin kapas eis ngonuk “upwe hireni en emon?” pwe ka tongeni pwisin kuna ika ka nikinikoch are ka nikinikingau. Ika ka nikinikingau kopwe fen siwini ufom are siwini mokurom are tutu sefan pwe mwen ka kutta angang kopwe fen nikinikoch.

**5.** Nge ewe men mi fakkun auchea kesapw pwan nemanano epwe emenimenen awom. Kopwe fen chechemeni pwe fansoun meininsin kopwe emenimen!

## Kutta Angang - Sasingin Ekkoch Aramas Ra Kutt Angang

---

Ekkewe kompani repwe nenengeni ufom nupwen ka kutt angang reir. Ina mo ika ka mefan om kopwe ufouf ei sokkun. Mi namwot kopwe fori pun iei met ekkewe kompani ra mochen. Ika kese mochen ufoufuch, ekkewe kompani resap mochen om kopwe angang reir.

Sasingin Emon Mwan Me Feffin Ra Fen Ammonata Pwe Repwe Kutt Angang:



# Kutta Angang - Ia Ka Tongeni Kutt Angang Me Ia

---

A wor chommong neni ka tongeni kutta angang non. Nupwen ka kutta angang, kopwe kutt non sokopaten neni. Ekkoch neni ka tongeni kutt non:

## Won taropwe

- Futures Through Training – iteitan wik ra fori eche taropwe a mak ien a kutt chon angang ka tongeni angei iteitan serinfan Nesor
- Standard Examiner
- Box Elder News Journal
- Salt Lake Tribune
- Logan Herald
- Provo Herald
- Pwan ekkewe newspaper meinisin

## Won computer

- Statejobs.utah.com
- www.utahjobfinder.com
- Jobs.utah.com kopwe mina ewe a mak “Electronic Job Board” fan ewe Job Seeker
- www.ihc.com/jobs/index.jsp - Kopwe mina ewe a mak “Search & Apply for Jobs”

## Pwisin kutt

- Department of Workforce Services
- Job Search Day - Kopwe fini eu ran me fori chommong ekkewe application me feino ren ekkewe nenian angang meinisin pwe kopwe ngenir ekkewe application.
- Job Fair - ekkewe aramas meinisin ra kutt chon angang repwe chufengen pwe ekkewe chon angang repwe eto fos ngeni ir.
- Kopwe pwan kutta ekkewe esinisin me ren ekkewe sitowa me och nenian angang a mak “Help Wanted”

## Seni pwan Emon

- Kopwe eisini chienom kewe ika ra sinei emon aramas ra kutta chon angang pwe ka tongeni feino sotuni. Ika ra erenuk met kopwe for kopwe fakkun mwutir me feino ren na nenian angang
- Ika ka feino sitowa are ka kame gas ren wom taraku kopwe eisini ekkewe chon angang ika ra pwan kutt chon angang non na fansoun.

